

禮

記

釐

編

禮記釐編卷之八

後學楚安鄉潘相學

祭法第三十一

吳氏曰此篇記祭人鬼神示之定制故曰祭法

祭法有虞氏禘黃帝而郊饗祖顓頊而宗堯夏后氏亦禘黃帝而郊繇祖顓頊而宗禹殷人禘饗而郊冥祖契而宗湯周人禘饗而郊稷祖文王而宗武王。契息列反禘卽王制祭統所云三年之禘追祭太祖所自出之帝於太廟而以太祖及毀廟未毀廟之祖配之也郊卽冬至之郊祖祭太祖也宗者宗祀于明堂也國語云有虞氏郊堯而宗舜與此記異朱子云堯之廟當立於丹朱之國

所謂修其禮物作賓於王家蓋神不歆非類民不祀非族故虞氏宗堯伊川以爲可疑。此一節記禘郊祖宗之祭法。

天子七廟三昭三穆與太祖之廟而七諸侯五廟二昭二穆與太祖之廟而五大夫三廟一昭一穆與太祖之廟而三士一廟庶人祭於寢諸侯太祖始封之君也○大夫爲始爵者○王制○天下有王分地建國置都立邑設廟祧壇墠而祭之乃爲親疏多少之數是故王立七廟一壇一墠曰考廟曰王考廟曰皇考廟曰顯考廟曰祖考廟皆月祭之遠廟爲祧有二祧享嘗乃止去祧爲壇上壇爲墠壇墠有禱

焉祭之。無禱乃止。去墀曰鬼。諸侯立五廟。一壇一墀曰

考廟。曰王考廟。曰皇考廟。皆月祭之。顯考廟。祖考廟。享

嘗乃止。去祖為壇。去壇為墀。壇墀有禱焉。祭之。無禱乃

止。去墀陳本作壇從通解義疏本作墀為鬼。大夫立三廟。二壇。曰考廟。

曰王考廟。曰皇考廟。享嘗乃止。顯考。祖考。無廟。有禱焉。

為壇祭之。去壇為鬼。適士二廟。一壇。曰考廟。曰王考廟。

享嘗乃止。顯考。無廟。有禱焉。為壇祭之。去壇為鬼。顯考無廟

之顯應依鄭注作皇官師一廟。曰考廟。王考。無廟。而祭之。去王考。

為鬼。庶士。庶人。無廟。死曰鬼。分地以建國封諸侯也。置都立邑為卿大夫之采地。

及賜土有功者之地也。七廟卽王制三昭三穆與太祖也。祧之言超也。超上去意也。封土曰壇。除地曰墠。書曰三壇同墠。王皇皆君也。顯明也。祖始也。名先人以君明始者。所以尊本之意也。天子遷廟之主。以昭穆合藏於二祧之中。諸侯無祧。藏於祖考之廟中。聘禮曰不腆先君之祧。是謂始祖廟也。享嘗謂四時之祭。天子諸侯爲壇墠。所禱謂後遷在祧者也。旣事則反其主於祧。鬼亦在祧。顧遠之於無事。祫乃祭之。爾春秋文二年秋。大事于太廟。傳曰。毀廟之主。陳於太祖。未毀廟之主。皆升。合食於太祖。是也。魯煬公者。伯禽之子也。主昭公定公。久已爲鬼。季氏禱之而立其宮。則鬼之主在祧明矣。惟天子諸侯有主。禘祫大夫有祖考者。亦鬼其百世不禘祫。無主爾。其無祖考者。庶士以下。鬼其考王考。官師鬼其皇考。大夫適士。鬼其顯考而已。大夫祖考。謂別子也。凡鬼者。薦而不祭。王制曰。大夫士有用則祭。無田則薦。適士。上士也。官士。中士下士。庶人。府史之屬。此適士云。顯考。無廟。非也。當爲皇考字之誤。○祭王父曰皇祖。考王母曰皇祖妣。父

曰皇曰王皆以君之稱尊之也。考成妣嬭辟法也。妻

○建國之神位、右社稷而

神位神之位也。朱子曰。王制祭法。廟制不同。以周制言之。恐王制爲是。又曰。廟制皆在中門外。

之左。外爲都宮。內各有寢廟。別有門垣。太祖在北。左昭
右穆。以次而南。○陳氏曰。祭法言王立七廟。而以文武

不遷之廟爲二祧以足其數則其實五廟而已周公制
作之盛而廟制顧乃下同侯國乎朱子然劉歆之說蓋

有見矣。起土爲壇。除地曰壇。壇。壇之主。藏于祧而祭于壇。猶之可也。直謂有禱則祭。無禱則止。則大禘升毀。

廟之文何用乎。鄭注謂禘乃祭之。蓋亦覺記者之失矣。况先儒言廟制甚詳。未有舉壇墠爲言者。周公三壇同

○君子將營宮室宗廟爲先廡庫爲次居室

○成廟則疊之。其禮

三 及古開

祝宗人宰夫雍人皆爵弁純衣雍人拭羊宗人祝之宰夫北面于碑南東上雍人舉羊升屋自中中屋南面剖羊血流于前乃降門夾室皆用雞先門而後來室其鷄皆於屋下割雞門當門夾室中室有司皆鄉室而立門則有司當門北面既事宗人告事畢乃皆退反命於君曰釁某廟事畢反命於寢君南鄉於門內朝服既反命乃退純音編判音奎鷄音二。宗廟初成以牲血塗釁之尊神明之居也。宗人祝之其辭未聞碑以麗牲在廟之中庭。鷄者剖羊割雞先滅耳旁毛以薦神欲神聽之也。宗人告事畢告于宰夫也。宰夫爲攝主反命于寢其時君在路寢也。路寢成則考之而不釁釁屋者交神明之道

也。考落也。謂與賓客燕會酒食歡樂之也。凡宗廟之器其名者成則毀之。

以豶豚。名者有名之器。若尊彝之屬也。豶豚。牡豚也。○雜記○有焚其先人之室。

則三日哭。故曰新宮火亦三日哭。先人之室。宗廟也。春秋之書以其得禮也。

○檀弓。○此以上記宗廟之法。

天子諸侯宗廟之祭。春曰礿。夏曰禘。秋曰嘗。冬曰烝。鄭氏

曰。此蓋夏殷之祭名。周則春曰祠。夏曰禘。以禘為殷祭萬充宗云。此三代通禮。○疏曰。礿。薄也。春物未成。祭品鮮薄也。禘者。次第也。夏時物雖未成。宜依時次第而祭之。嘗者。新穀熟而嘗也。烝者。衆也。冬時物成者衆也。鄭氏以其與周不同。夏殷之祭又無文。故稱蓋以疑之。○王制。○天子犢礿。禘。嘗。嘗。

祫。祫。合也。其禮有二。時祭之祫。則羣廟之主皆升。而合食於太祖之廟。而毀廟之主不與。三年大祫。則

毀廟之主亦與焉。天子之禮春禘則特祭者各于其廟也。禘嘗烝皆合食。○朱子曰此亦難曉。禘祭以春物未成其禮稍輕須著逐廟各祭。禘禘之禮又却合為一處則值反詳而禘反畧矣。禮家之說大抵自相矛盾如是。諸侯禘則不禘。禘則不嘗。嘗則不烝。烝則不禘。虞夏之制諸侯歲朝廢一時祭。朱子曰春秋朝會無節豈止廢一時祭而已哉。不然則或有世子或大臣居守豈不可攝。諸侯禘值禘一值一禘。嘗禘烝禘。下于天子者禘事。○王

制○禮不王不禘王者禘其祖之所自出以其祖配之

諸侯及其太祖大夫士有大事省於其君于禘及其高

祖。大事謂有大功德也。省之為言善也。注云善于其君是也。十者自下于上之義以卑者而于尊者之禮謂非禮之常也。愚按禘禘之說千古聚訟竊考禘之為字從示從禘明為帝者之祭也。天子三年祭始祖之所自

出已毀未毀之主皆升合食於太廟五年而再殷祭其制始於有虞三代因之後又以爲天子諸侯夏祭之通名其不同者天子每歲祫禘諸侯一歲祫禘一歲祫禘一也天子兼用白牡諸侯止用騂剛儀文器數皆各有殊二也天子三年之祫及始祖所自出諸侯及其太祖不及自出三也故大傳謂不王不禘王制又以春祫夏禘秋嘗冬烝爲天子諸侯宗廟之祭祫之爲字從示從合明合祭爲祫也詳考經傳未見以爲祭名卽祭法國語臚陳禘郊祖宗諸法亦不及祫獨王制言祫禘祫嘗祫烝不以祫爲另一祭公羊於文公二年之大事以爲大祫不知三年之祫祭謂之有事禘于武公是也五年禘祭謂之大事大事躋僖是也如以祫禘爲二祭則祫爲大事豈禘反爲小事耶故杜預於大事卽以禘釋之孔穎達疏曰祫卽禘也取其序昭穆謂之祫取於合群祖謂之祫誠不易之論矣本記云王者禘其祖之所自出而以其祖配之者始祖以下皆與配不必專以始祖配也配卽合也不必取配偶之意也故下文隨云諸侯及其太祖亦明以禘祫爲一祭但天子禘其自出諸侯

及其太祖。卽謂不王不禘亦可矣。至於時祭之禘。經傳多禘嘗并舉。祭統曰。禘陽義也。嘗烝陰義也。禘者陽之盛也。嘗者陰之盛也。於禘發得賜服。順陽義也。於嘗出田邑。發秋政。順陰義也。曾子問亦載嘗禘郊社之祭。而尤莫明於中庸。禘嘗之義。舉夏禘以包春。舉秋嘗以包冬。蓋時禘之義。大於三祭。而三年五年之再禘。尤大於時祭。嘗之爲義。亦視烝爲深遠。故魯頌亦專取秋而載嘗也。且春秋閔公二年。書夏五月。吉禘於莊公。僖公四年。書秋八月。禘於太廟。卽明堂位季夏六月之禘。雜記七月之禘。又可以見禘爲時祭之証矣。時禘之合禮者。皆不書。惟閔之先時而忘哀。僖之用致夫人。乃書三年之禘。其合禮者不書。惟文之躋僖則書。故詩序謂雍爲禘太。其合禮者不書。惟文之躋僖則書。故詩序謂雍爲禘太。祖卽四時之禘也。長發爲大禘。卽五年之禘也。若謂魯禘非禮。正以其非一值一禘之舊。且及其所自出。兼用白牡耳。寧謂禘名亦僭乎。由此觀之。則鄭康成據禮緯。謂三年一禘。五年一禘。禘大禘小者。非矣。王肅張融孔晁輩。謂禘大禘小。趙伯循泥此。以祖配之。之文。謂不合。

其羣廟者亦升矣。○大傳○禮不王不禘。王者禘其祖之所自出。以

其祖配之。而立四廟。庶子王亦如之。四廟謂高曾祖祢。四親廟也。始祖居

中爲五。並高祖之父祖爲七。或世子有廢疾。不可立而庶子立爲王者。其禮制亦然。○小記○大凡

生於天地之間者。皆曰命。其萬物死。皆曰折。人死曰鬼。

此五代之所不變也。七代之所更立者。禘郊祖宗。其餘

不變也。折。棄敗之言也。鬼之言歸也。合唐虞三代爲五。增顓頊帝嚳而爲七○孟獻子曰

正月日至。可以有事於上帝。七月日至。可以有事於祖。

七月而禘。獻子爲之也。正月周正建子之月。有事上帝。郊祭也。七月建午之月。有事於

祖。禘祭也。明堂位。禘在六月。獻子變用七月。然不言自獻子始。而但言爲之。蓋一時之事耳。○雜記○諸

禮記董編 卷之八 六 汲古閣

侯之宮縣而祭以白牡擊玉磬朱干設錫冕而舞大武

乘大路諸侯之僭禮也臺門而旅樹反坫繡黼丹朱中

衣大夫之僭禮也

縣音玄錫音陽○天子四面皆縣曰宮縣諸侯三面曰軒縣祭用時王之

牲擊石磬雖得舞大武但不得朱干設錫冕服而舞也

車乘時王之車不得用殷路今皆違之是僭禮也土臺

上架屋而門當其中曰臺門旅道也樹屏也立屏當所

行之路以蔽內外爲敬天子外屏諸侯內屏大夫以簾

士以帷中衣朝祭服之裏衣也繡刺黼文以爲中衣之

領丹朱者染繒爲赤色以爲中衣之緣冕服是絲衣則

中衣用絹素皮弁服朝服玄

端是麻衣則中衣用布也故天子微諸侯僭大夫強

諸侯脅於此相貴以等相覲以貨相賂以利而天下之

禮亂矣諸侯不敢祖天子大夫不敢祖諸侯而公廟之

設於私家。非禮也。由三桓始也。

謂魯之三家。立桓公廟也。○郊特牲

○父

爲士。子爲天子諸侯。則祭以天子諸侯。其尸服以士服。

祭從生者。盡子道也。

尸以象神。故用本服。父爲天子諸侯。子爲士。祭以士其

尸服以士服。

尸服生者之服。禮之變也。禮有曲而殺者。此類是也。○小記

○牧之野。

武王之大事也。既事而退。柴於上帝。祈於社。設奠於牧

室。遂率天下諸侯。執豆蓬。逡奔走。追王大王。亶父。王季。

歷文王昌。不以卑臨尊也。

此亦祭以天子之意。○大傳

○王下祭殤

五。適子。適孫。適曾孫。適玄孫。適來孫。諸侯下祭三。大夫

下祭二。適士及庶人。祭子而止。

殤音傷。○重適也。祭適殤於廟之奧。謂之陰厭。

王子公子祭道殤於其黨之廟。大夫以下庶子祭道殤於宗子之家。皆當室之白。謂之陽厭。凡庶殤不祭。○此以上皆記祭宗廟之法。

天子祭天地。祭四方。祭山川。祭五祀。歲徧。諸侯方祀。祭

山川。祭五祀。歲徧。大夫祭五祀。歲徧。士祭其先。

祭四方者。各祭

其方以迎氣也。方祀者。祭其所居之方。○曲禮

○天子祭天地。諸侯祭社稷。大

夫祭五祀。天子祭天下名山大川。五嶽視三公。四瀆視

諸侯。諸侯祭名山大川之在其地者。天子諸侯祭因國

之在其地而無主後者。

視三公。視諸侯。謂視其饗饌。年禮之多寡。以爲牲器之數也。因

國。謂建國之地。因先代之故墟。王畿。天子祭之。侯邦諸侯祭之。以其嘗有功德于民。不宜絕其祀也。○王制

○燔柴於泰壇。祭天也。瘞埋於泰折。祭地也。用騂犢。燔音

煩。瘞於滯反。折之設反。舊音逝。○泰壇南郊之壇也。泰折北郊之坎也。泰者尊之之辭。折如磨折折旋之義。喻方也。積柴於壇。加牲玉於柴上。乃燎之。使氣達於天也。瘞埋牲幣。祭地之禮也。周禮陽祀用騂牲。陰祀用黝牲。此云用騂犢。埋少牢於泰昭。祭時也。相近於坎壇。祭寒者。連言爾。

暑也。王宮。祭日也。夜明。祭月也。幽宗。祭星也。雩宗。祭水旱也。四坎壇。祭四方也。山林川谷丘陵。前出雲爲風雨。

見怪物。皆曰神。有天下者。祭百神。諸侯在其地。則祭之。

亡其地。則不祭。相近。依注讀爲禋。禋。王肅作祖迎。宗讀爲禋。葉敬反。王如字。亡如字。○泰昭壇。

名也。祭時祭四時也。亦謂祭陰陽之神也。埋之者陰陽出入於地中也。凡此以下。皆祭用少牢。相近當爲禋。禋。

聲之誤也。禮猶却。所求也。王肅作祖迎言一往一來。往者祖送之。來者迎導之。亦通。坎以祭寒。壇以祭暑。王有日之象。故祭日之壇曰王官。月明於夜。故祭月之坎曰夜明。宗皆當為崇字之誤也。南崇星壇也。星以昏始見。崇之言營也。雩崇水旱壇也。雩之言吁嗟也。春秋傳曰。日月星辰之神。則雪霜風雨之不時。於是乎崇之。山川之神。則水旱癘疫之不時。於是乎崇之。四方百物之神也。方有四而位則八。若乾位西北。艮位東北。坤位西南。巽位東南之類。各分陰陽。故有坎有。○王為群姓立社。壇而各有四焉。亡其地。謂見創奪。

曰大社。王自為立社曰王社。諸侯為百姓立社曰國社。

諸侯自為立社曰侯社。大夫以下成羣立社曰置社。大

在庫門內之右。小宗伯云。右社稷。王社在藉田。詩頌云。

春藉田而祈社稷。國社亦在公宮之右。侯社亦在藉田。

大夫不得特立社。與民族居。百家

以上。則共立一社。今里社是也。王為羣姓立七祀。曰

司命曰中霽曰國門曰國行曰泰厲曰戶曰竈王自爲立七祀諸侯爲國立五祀曰司命曰中霽曰國門曰國行曰公厲諸侯自爲立五祀大夫立三祀曰族厲曰門曰行適士立二祀曰門曰行庶士庶人立一祀或立戶

或立竈

雷力又反。○中霽主堂室居處門戶司出入司命者宮中小神非天之司命故祭于宮中泰厲古

帝王無後者公謂諸侯族謂大夫其無後者皆爲厲

○夫聖王之制祭祀也法施

於民則祀之以死勤事則祀之以勞定國則祀之能禦大災則祀之能捍大患則祀之是故厲山氏之有天下也其子曰農能殖百穀夏之衰也周棄繼之故祀以爲

稷共工氏之霸九州也其子曰后土能平九州故祀以爲社帝嚳能序星辰以著衆堯能賞均刑法以義終舜勤衆事而野死鯀鄩鴻水而殛死禹能修鯀之功黃帝正名百物以明民共財顓頊能修之契爲司徒而民成冥勤其官而水死湯以寬治民而除其虐文王以文治武王以武功去民之菑此皆有功烈於民者也及夫日月星辰民所瞻仰也山林川谷丘陵民所取財用也非此族也不在祀典

注云此所謂大神也傳曰封爲上公祀爲大神

○孔子曰誦詩三百不足以一獻一獻之禮不足以大饗大饗之禮

不足以大旅。大旅具矣。不足以饗帝。毋輕議禮。大饗。祫祭也。大

旅。祀五帝也。饗。帝。祭天也。○禮器。○此以上皆言祭外神之法。

孔子曰。臧文仲安知禮。夏父弗綦逆祀而弗止也。魯文公二

年。八月。祫祭太廟。夏父弗綦爲宗伯典禮。移閔公置僖公之下。臣居君上。逆亂尊卑。而文仲乃不能止之。豈得

爲知禮乎。燔柴於奧。夫奧者。老婦之祭也。盛於盆。尊於瓶。與

爲。燔。○祭火神則燔柴。弗綦謂嬰神是火神。遂燔柴祭之。而文仲不能正。是失禮矣。禮。祭至尸食竟而祭。嬰神宗婦祭。饗。○祭者祭。嬰。○其神則先炊也。故謂之老婦。惟盛食於盆。盛酒於瓶。卑賤之祭耳。雖卑賤而必祭之者。以其有功於人之飲。○凡祭有其廢之。莫敢舉也。有

其舉之。莫敢廢也。非其所祭而祭之。名曰淫祀。淫祀無

福。非所祭謂法不得祭與分之不當祭者。過也。以通
事神。神弗享也。故無福。○曲禮○此以上言祭法之
不可

平路去魯謂顏淵曰。何以贈我。曰。吾聞之也。去國則哭
於墓而后行。反其國不哭。展墓而入。謂子路曰。何以處

我。子路曰。吾聞之也。過墓則式。過祀則下。

哭墓。哀墓之無主也。展省

視也。式。墓與祀尤敬之大者。○櫬弓。○古禮畧於言墓。讀此可見後世墓祭之禮。以義起。由心生也。且居者行
者皆重墓而並及於祀。故以附祭法之末。

郊特牲第三十二

陸氏曰。郊者祭天之
名。用一牛。故曰特牲。

郊特牲而社稷大牢。天子適諸侯，諸侯膳用犢。諸侯適天子，天子賜之禮大牢，貴誠之義也。故天子牲孕弗食也。祭帝弗用也。大音泰。禮有以少為貴者，故郊社牲牢不同。如此召誥曰：『用牲于郊，祭天也。』牛二，帝牛、稷牛也。祭天以后稷配，牛各一也。社于新邑，祭地也。牛一，羊一，豕一，太牢也。胡五峯言：『無北郊，只祭社便是。』朱子既取之，又曰：『古者天地定是不合祭日月山川百神，亦無合共一時祭享之禮。知乎此，可以正歷代南北分合之議矣。』犢未有牝牡之情，故云貴誠。諸侯之供天子，天子之賜諸侯，其亦郊特牲社稷太牢之異歟。故記者附論焉。大路繁纓一就，先路三就，次路五就，郊血。犬

饗腥三獻，燭一獻，孰至敬不饗味而貴氣臭也。

繁音盤，燭音潛。

○大路，殷人祭天之車，以木為之而無彫飾。繁，馬腹帶也。纓，鞅也。在馬膺前，染絲而織，以為屬。五色一匝曰就。

就猶成也。車朴素故馬亦少飾。至先路次路則供卑雜之用。其數多亦少為貴之意也。腥生肉也。沉肉于湯曰燂。郊則先設血。後設腥燂。孰大饗祫祭也。則迎尸時血與腥同時薦耳。祭社稷及五祀其禮皆三獻。則血腥與燂一時同薦。郊祀與大饗三獻皆有血腥燂孰。而此各言者。據先設者為主也。一獻祭羣小祀也。惟用孰肉無血腥燂三者。○君子曰。禮之近人情者。非其至者也。郊血大饗腥三獻燂一獻孰。惟郊為禮之至。故先設血。最則漸近矣。熟肉。○大享不問卜。不饒富。大享即郊也。冬則最近。○禮器。○郊之祭也。迎長日之至也。地日月素定。故不問卜。以少為貴。故不饒富。○曲禮。○郊之祭也。迎長日之至也。冬至日短極而漸舒。故云迎夫冬至郊天於圓丘。以始祖配。周之正月。即夏正之十一月也。故孟獻子曰。正月日至。可以有事于上帝。若為夏正之正月。安得有日。大至耶。讀者參考春秋宣成二公正月之郊。其義乃明。大

報天而主日也。兆於南郊。就陽位也。掃地而祭於其質。

也。器用陶匏以象天地之性也。

報天大事而主于迎長日之至。天之尊無為不

可主之以其事故以日為主也。陶匏亦器之質者。質乃物性之本然也。

於郊故謂之郊牲。

用騂尚赤也。用犢貴誠也。郊之用辛也。周之始郊日以

至。

用辛主和穀言始郊主冬至言句內必有脫誤。

卜郊受命於祖廟。作龜於禰

宮。尊祖親考之義也。

卜牲也。作猶用也。

卜之日王立於澤親聽

誓命受教諫之義也。

澤澤宮以其射以擇土又近水澤也。其日卜竟有司以祭事誓戒命

令于執事者而君亦親聽之。是受教諫之義也。

獻命。庫門之內戒百官也。太廟

之命戒百姓也。

有司獻王所以命臣之事。王乃于庫門內太廟內各戒之。

祭之日王

皮弁以聽祭報。示民嚴上也。喪者不哭。不敢凶服。汜掃

反道鄉爲田燭。弗命而民聽上。汜掃。洒而后掃也。反道。反其土使新者在上也。

六鄉之民于田首設燭。照路恐王行事之早也。○郊之祭也。喪者不敢哭。凶服

者不敢入國門。敬之至也。吉凶異道不得相干。祭義。○祭之日。王

被袞以象天。袞有日月星辰之章。內服大裘而外被龍袞以襲之。戴冕璪十有二

旒。則天數也。乘素車。貴其質也。旂十有二旒。龍章而設

日月以象天也。天垂象。聖人則之。郊所以明天道也。璪與

藻同。素車卽大路。旂。帝牛不吉。以爲稷牛。帝牛必在滌。見之旒。皆取其垂下。

三月。稷牛唯具。所以別事天神與人鬼也。萬物本乎天。

人本乎祖。此所以配上帝也。郊之祭也。大報本反始也。帝牛以祭上帝。稷牛以祭后稷。二牛皆在牢中消除之。所若至期卜牲不吉。或有死傷。即用稷牛爲帝牛。而別選稷牛。若事天神。非在條三月者。不可爲帝牛。○祭天而稷乃人鬼。其牛但得其用足矣。故云唯具。

掃地而祭焉。於其質而已矣。醯醢之美。而煎鹽之尙黃。天產也。剗刀之用。而鷩刀之貴。貴其義也。聲和而后斷也。鹽以煎鍊而成。故曰煎鹽。鷩聲和而后斷其肉。故貴聲和之義。○郊之祭。大報天而

主日。配以月。夏后氏祭其闇。殷人祭其陽。周人祭日。以

朝及闇。闇者日既沒而黑。陽者日方中而白。日初出而赤。將落亦赤。夏尙黑。殷尙白。周尙赤。故不同如此。

祭日。祭之日也。及闇。祭日於壇。祭月於坎。以別幽明。未至于闇。日將落時也。

以制上下。祭曰於東。祭月於西。以別外內。以端其位。曰

出於東。月生於西。陰陽長短。終始相巡。以致天下之和。

巡如字。○壇坎東西。各因其象也。孔疏云。天帝獨為壇。其日月及天神等。共為一壇。故曰得為衆神之主也。又

云。祭曰於壇。謂春分也。祭月于坎。謂秋分也。崔氏還據上文郊祭之時。非也。○方氏云。日出于東。言其象出于

天地之東也。月生于西。言其明生于輪郭之西也。○祭義。○天道至教。聖人至德。天垂

以示人。而為教。聖人法天而為至德。廟堂之上。罍尊在阼。犧尊在西。廟

堂之下。縣鼓在西。應鼓在東。罍尊夏尊。犧尊周尊。縣鼓

為君在阼。夫人在房。天子諸侯皆有左右。大明生於東。上。君在阼。夫人在房。此夫人在西房也。大明生於東。

月生於西。此陰陽之分。夫婦之位也。君西酌犧象。象曰

出東

方而西行。夫人東酌鬯尊。象月出西方而東行。禮交動乎上。承上二句。樂交

應乎下。縣鼓應鼓相和之至也。此亦與祭義日月之說相發明。宜附于此。○禮

器。○是故昔先王之制禮也。因其財物而致其義焉。爾

故作大事。必順天時。為朝夕必放於日月。為高必因丘

陵。為下必因川澤。是故天時雨澤。君子達幣玉。疊財物。疊焉。

牲牢黍稷之類。皆天時之所生。故祭祀必順而行之。日

生于東。故春朝朝日。必于東方。月生于西。故秋暮夕月。

必于西方。為高為圓丘。為下為方澤也。祭有輕重。皆須

財物。故當天時之降雨澤也。君子知夫生成之功。如此

乎。勉勉不已也。安得不用。○天子適四方。先柴。書曰歲

巡守。至于○是故昔先王尚有德尊有道。任有能。舉賢

代宗柴。禮記禮運 卷之八 五 及古月

而置之聚衆而誓之。是故因天事天。因地事地。因名山

升中於天。因吉土以饗帝於郊。升中於天而鳳皇降。龜

龍假饗帝於郊。而風雨節。寒暑時。是故聖人南面而立

而天下大治。假音格。○周禮冢宰掌百官之誓戒。卽此

燔柴祭天。告以諸侯之成功也。吉土。王者所卜而居之

上也。兆于南郊。歲有常禮。其瑞應理或有之。而鄭氏祖

緯說。遂啟後世封禪之議。胡氏曰。七十二君之編錄。詩

書禮典畧不經見。審有是事。乃天下國家之盛舉。堯舜

禹湯周武成康昭宣皆身致太平。安得闕而弗講。故前

世論登封者莫善于許惇也。惇之言曰。舜柴岱宗。是爲

巡狩。而鄭引孝經鈞命決云。封于泰山。考績柴燎。禪乎

梁甫。刻石記號。此緯書之曲說。非正經之通義也。如管

夷吾所說七十二君。燧人之前。世質民淳。安得泥金簡

玉。結繩而治。安得鐫文告成。妄亦甚矣。○禮器○此以

上記事
天之禮

社祭土而主陰氣也。君南鄉於北墻下。答陰之義也。日

用甲。用日之始也。

社不屋。惟立之壇壝而環之以墻。其主設于壇上北向。而君來北墻下南

向祭之。以地道主陰也。甲爲十干之首。

天子大社。必受霜露風雨。以達天

地之氣也。是故喪國之社。屋之。不受天陽也。薄社北牖。

使陰明也。

薄書作毫。○毫社必存之者。白虎通云。王者諸侯必有誠社。示有存亡也。屋其上。則天陽

不入。牖于北。則陰氣可通。陰明則物死也。

社所以神地之道也。地載萬物。天

垂象。取財於地。取法於天。是以尊天而親地也。故教民

美報焉。家主中霱而國主社。示本也。

聖人知地道之大。故立社以祭。以神

而明之。美報善其報之之禮也。上古穴居。故有中雷之名。中雷與社皆土神。卿大夫之家。主祭土神于中雷。天子諸侯之國。主祭土神于社。唯爲社事。單出里。單。盡也。以示其爲載物生財之本也。唯爲社事。單出里。二十五家。家一人。盡出。唯爲社田。國人畢作。田。田獵也。唯社。丘乘供而供給其事。

粢盛所以報本反始也。

九夫爲井。四井爲邑。四邑爲丘。四丘爲乘。季春出火。

爲焚也。然後簡其車賦。而歷其卒伍。而君親誓社。以習

軍旅。左之右之。坐之起之。以觀其習變也。而流示之禽

而鹽諸利。以觀其不犯命也。求服其志。不貪其得。故以

戰則克。以祭則受福。

鹽。讀爲艷。○建辰之凡。大火心星。皆見南方。故出火以焚草。焚後卽

蒐簡閱。歷數之也。百人爲卒。五人爲伍。皆社誓衆于社也。左右坐作。軍法也。流示之禽。驅逐之際。禽獸流動紛

紘。衆皆見之也。艷諸利。謂使之欲艷于利也。不犯命不違其殺。獲取舍之定制。是求以過服其貪心。而君亦公大獸。私小禽。不貪下之所得。故以戰以祭。無不宜焉。○疏曰。焚田當在仲春祭社之月。此云季春疑誤。○此以上記祭地之禮。

天子大蜡八。伊耆氏始爲蜡。蜡也者。索也。歲十二月合

聚萬物而索饗之也。

蜡音乍。耆音其。○蜡祭八神。先嗇一。司嗇二。百種三。農四。郵表畷五。

貓虎六。坊七。水庸八。伊耆氏。堯也。索。求其神也。合猶閉也。歲十二月。萬物皆閉聚而歸根復命。聖人欲報其神之有功者。故蜡之祭也。主先嗇而祭司嗇也。祭百種以求索而祭之。蜡與稿同。○先嗇。神農也。爲入神之主。司嗇。古報嗇也。后稷官。百種。百穀之神也。報嗇。謂報其教民樹藝之功。饗農及郵表畷禽獸。仁之至。義之盡也。

農古田畷。郵表畷。謂

表田畔相連暖處造爲郵舍而古之君子使之必報之
田畯居之也禽獸卽猫虎之屬

迎猫爲其食田鼠也迎虎爲其食田豕也迎而祭之也

祭坊與水庸事也

迎者迎其神也坊堤也庸溝也皆農事之備故曰事也蘇氏謂迎猫則爲

猫尸迎虎則爲虎尸近于倡優所爲曰土反其宅水歸
是以子貢言一國之人皆若狂也

其壑昆蟲毋作草木歸其澤

此蜡之祝詞也土安則不崩水歸則不溢螟蝗毋起

而害稼草木歸根于藪澤不得生于耕稼之土

皮弁素服而祭素服以送終也

葛帶榛杖喪殺也蜡之祭仁之至義之盡也

殺色介切○物之助

成歲功者至此而老老則終矣故皮弁素服葛帶榛杖以送之喪禮之殺也此爲義之盡祭報其功則仁之至也周禮籥章云國祭蜡則黃衣黃冠而祭息田夫也野飲幽頌擊土鼓以息老物黃衣黃冠而祭息田夫也野

夫黃冠黃冠草服也。

月令臘先祖五祀勞農以休息之此祭是也黃冠爲草野之服祭主

土上大羅氏天子之掌鳥獸者也諸侯貢屬焉草笠而

至尊野服也。

諸侯鳥獸之貢屬于大羅氏。羅氏致鹿與其使者戴草笠是尊野服也。

女而詔客告也以戒諸侯曰好田好女者亡其國。

鹿者田獵

所獲女則所俘于亡國者羅氏以此示使者使以王言歸戒其君勿爲禽荒色荒也方氏曰致鹿與女非實有

鹿女也特致所以獲天子樹瓜華不斂藏之種也。

種上

鹿之物飾女之物耳此亦令使者歸告其君之事言天子種瓜華於圃以規

時候習種植與黃冠草服之意同然是不可收斂久藏之種初非與民爭利亦八蜡以記四方四方年不順成

母作禽荒色荒之意也八蜡不通以謹民財也順成之方其蜡乃通以移民也

既蜡而收民息已。故既蜡君子不與功。

凶則廢祭豐則通之。是因蜡而

記四方之豐凶也。移之言美也。蜡祭豐饒皆醉飽食使民歆美也。凶則不通。謹于用財。豐則通之。而使人歆美。既蜡之後。收斂積聚。民皆休息。故不與起事功也。民息已。民之自息也。不與功。君子之息民也。

○子

貢觀於蜡。孔子曰。賜也樂乎。對曰。一國之人皆若狂。賜

未知其樂也。子曰。百日之蜡。一日之澤。非爾所知也。張

而不弛。文武弗能也。弛而不張。文武弗爲也。一張一弛

文武之道也。

若狂言飲酒樂甚無禮儀也。孔子曰。百日之勞苦而有此蜡。使爲一日之歡。是乃人君

之恩澤。其義甚大。蓋民有時而勞。必有時而息。如弓之時而張。絃時而落。絃乃文王武王之道也。雜記。以

上記蜡祭之禮。

○鄉人禡。孔子朝服立于阼。存室神也。

禡音傷。此卽

論語鄉人雺之事。雺，強鬼名。鄉人驅逐此鬼。孔子朝服立於廟之東階，以存安廟室之神也。禮大夫朝服以祭，故用祭服以依神。此一節記逐疫之祭。

祭統第三十三

疏云：鄭目錄名曰祭統者，以其記祭祀之本也。統猶本也。方氏曰：祭統者，統而論之。

凡治人之道，莫急於禮。禮有五經，莫重於祭。夫祭者，非物自外至者也，自中出生於心者也。心怵而奉之以禮，是故惟賢者能盡祭之義。五經：吉凶軍賓嘉。賢者之祭也，必受

其福。非世所謂福也。福者，備也。備者，百順之名也。無所不順者之謂備。言內盡於已而外順於道也。忠臣以事

其君孝子以事其親其本一也

世所謂福謂壽考吉祥

上則順於

鬼神外則順於君長內則以孝於親如此之謂備惟賢

者能備能備然後能祭是故賢者之祭也致其誠信與

其忠敬奉之以物道之以禮安之以樂參之以時明薦

之而已矣不求其爲此孝子之心也

不求其爲所謂祭祀不祈也

祭

者所以追養繼孝也孝者畜也順於道不逆於倫是之

謂畜

畜養也聚也

是故孝子之事親也有三道焉生則養沒

則喪喪畢則祭養則觀其順也喪則觀其哀也祭則觀

其敬而時也盡此三道者孝子之行也

時者不數不疏既內自

盡。又外求助。昏禮是也。故國君取夫人之辭曰。請君之

玉女。與寡人共有。敝邑事宗廟社稷。此求助之本也。夫

祭也者。必失婦親之。所以備外內之官也。官備則具備。

水草之漬。

芹蒲之屬。

陸產之醢。

蠃蟻之屬。

小物備矣。三牲之俎。八

簋之實。美物備矣。昆蟲之異。

昆蟲謂濕生寒死之蟲也。內則可食之物。有蜋范者。

蟬與蜂也。草木之實。陰陽之物備矣。

麥苽棗栗之屬。為草木之實。

凡天之

所生。地之所長。苟可薦者。莫不咸在。示盡物也。外則盡

物。內則盡志。此祭之心也。

祭親之心。

是故天子親耕於南郊。

以共齊盛。王后蠶於北郊。以共純服。諸侯耕於東郊。亦

以共齊盛。夫人蠶於北郊。以共冕服。天子諸侯非莫耕也。王后夫人非莫蠶也。身致其誠信。誠信之謂盡。盡之

謂敬。敬盡然後可以事神明。此祭之道也。齊音秦純音緇。○東郊少

陽諸侯象也。祭服皆上玄下纁。緇服亦冕服也。互言之

耳。緇以色言。冕服則顯其為祭服耳。○陸機書云。疏云

凡言純者其義有二。一絲旁才。是古之緇字。一是絲旁

屯。是純字。但書文相亂。雖是緇字。并皆作純。鄭氏所注

于絲理可知。于色不明者。卽讀為緇。卽論語云。今也純

儉。及此純服。皆讀為黑色。若衣色見。緇文不明者。讀純

以為絲也。愚按本材字。而與純字相亂。古人亦多混淆如此。及時將祭。君子乃齊。齊

之為言齊也。齊不齊以致齊者也。是故君子非有大事

也。非有恭敬也。則不齊。不齊則於物無防也。耆欲無止

也。非有恭敬也。則不齊。不齊則於物無防也。耆欲無止

也。及其將齊也，防其邪物，訖其耆欲耳，不聽樂。故記曰：齊者不樂，言不敢散其志也。心不苟慮，必依於道；手足不苟動，必依於禮。是故君子之齊也，專致其精明之德也。故散齊七日以定之，致齊三日以齊之。定之之謂齊，齊者精明之至也。然後可以交於神明也。言齊齊不齊以齊皆如字餘側皆反。耆，市志反。○未齊之時，心慮散蕩，散者集之，則一歸乎定。定者，定其志意也。致其至焉，則齊矣。是故先期旬有一日，宮宰宿夫人。夫人亦散齊七日，致齊三日。宮宰，守宮官也。宿，讀爲肅。肅，猶戒也。君致齊於外，夫人致齊於內。然後會於大廟。君純冕立於阼，夫人副褱立於東房。君執

圭瓚裸尸。大宗執璋瓚亞裸。及迎牲。君執紉。卿大夫從。

士執芻。宗婦執盞從。夫人薦浼水。君執鸞刀羞臠。夫人

薦豆。此之謂夫婦親之。

純音縉。璋音輝。浼詩畏切。臠才細切。○圭瓚瓚。裸器也。以圭

璋爲柄。酌鬱鬯曰裸。大宗亞裸。容夫人有故攝焉。紉所

以牽牲。芻。菜也。殺牲用以薦。藉浼。卽盞齊以濁。用清酒

以浼沛之。浼水是明水。同宗之婦執盞齊從。夫人而來

奠盞齊于位。夫人乃就盞齊之尊。酌此浼齊而薦之。因

盞齊有明水。連言水耳。臠。肝肺也。一是朝薦之時。取肝

以骨貫之。入室燎于爐炭。而出薦之主前。二是饋熟之

時。君以鸞刀割制所羞臠肺。橫切之不使絕。亦奠于俎

上。尸並臠之。故云羞臠。夫人薦豆者。君羞臠時。夫人薦

此饋食之豆也。又郊特牲云。祭齊加明水。天子諸侯祭

禮。先裸尸。後迎牲。○陸云。鄭注。臠。臠肺祭肺之屬也。疏

云。少牢特牲薦熟之時。俎有祭肺及舉肺。二肺皆臠之

故云。齊肺祭肺之屬。愚按。因此肺是尸所臠而遂謂之

齊古人命名。及入舞。君執干戚。就舞位。君爲東上。冕而
往往如此。

總干。率其羣臣以樂皇尸。是故天子之祭也。與天下樂

之。諸侯之祭也。與竟內樂之。冕而總干。率其羣臣以樂

皇尸。此與竟內樂之之義也。東上。近主位也。皇。君也。言

君侯親在諸舞位。夫祭有三重焉。獻之屬莫重於裸。聲莫重於

升歌。舞莫重於武宿夜。此周道也。凡三道者。所以假於

外。而以增君子之志也。故與志進退。志輕則亦輕。志重

則亦重。輕其志而求外之重也。雖聖人弗能得也。是故

君子之祭也。必身自盡也。所以明重也。道之以禮。以奉

三重而薦諸皇尸。此聖人之道也。

祿以降神于禮爲重。歌者在上。賁人聲也。

武宿夜。武曲名也。皇氏云。師說書傳云。武王伐紂。至于商郊。停止宿夜。士卒皆歡樂。歌舞以待旦。因名焉。熊氏曰。宿夜。卽大武之樂也。

此以上統論致祭之心。

夫祭有餼餼者。祭之末也。不可不知也。是故古之人有

言曰。善終者如始。餼其是已。是故古之君子曰。尸亦餼

鬼神之餘也。惠術也。可以觀政矣。

牲既殺。則薦血腥於鬼神。及熟之於俎。而

尸始食之。是尸餼鬼神之餘。卽施惠之法也。

是故尸謾君與卿四人餼。君起

大夫六人餼。臣餼君之餘也。大夫起。士八人餼。賤餼貴

之餘也。士起。各執其具以出。陳于堂下。百官進徹之下。

以上之餘也。凡餼之道，每變以衆，所以別貴賤之等而

興施惠之象也。是故以四簋黍，見其修於廟中也。廟中

者，竟內之象也。謏音縮。百官進依注作餼。謏起也。天子之祭八簋，諸侯六簋。此言四簋者，留

二簋爲陽厭之祭也。簋盛黍稷，粢則稷可知矣。祭者，澤之大者也。是故上有

大澤，則惠必及下。顧上先下後耳。非上積重而下有凍

餒之民也。是故上有大澤，則民夫人待于下流，知惠之

必將至也。由餼見之矣。故曰：可以觀政矣。上先下後，君先餼而臣後

餼也。夫祭之爲物大矣。其興物備矣。順以備者也。其教之

本與是故。君子之教也。外則教之以尊其君長，內則教

之以孝於其親。是故明君在上。則諸臣服從。崇事宗廟社稷。則子孫順孝。盡其道。端其義。而教生焉。言與物以事

具是故君子之事君也。必身行之。所不安於上。則不以

使下。所惡於下。則不以事上。非諸人行諸已。非教之道

也。是故君子之教也。必有其本。順之至也。祭其是與。故

曰。祭者。教之本也已。○饒餘不祭。父不祭子。夫不祭妻。曲禮○以上言祭之惠

夫祭有十倫焉。見事鬼神之道焉。見君臣之義焉。見父

子之倫焉。見貴賤之等焉。見親疏之殺焉。見爵賞之施

焉。見夫婦之別焉。見政事之均焉。見長幼之序焉。見上

下之際焉。此之謂十倫。

倫猶義也。

鋪筵設同几。爲依神也。詔

祝於室。而出於祊。此交神明之道也。

筵。席也。几。所憑以安者。人生則形體

異。故夫婦有別。死則精氣無間。共設一几。故祝辭云。以某妃配也。祝以事告尸於室中。明日釋祭。出在廟門外之旁。郊特牲云。索祭祝于祊。是也。君迎牲而不迎尸。別嫌也。尸在廟門

外。則疑於臣。在廟中。則全於君。君在廟門外。則疑於君

入廟門。則全於臣。全於子。是故不出者。明君臣之義也。

尸未入廟。其尊未伸。在廟則全于君。尸象神。尊之如君父也。疑者。由人心想像之也。夫祭之道。孫

爲王父尸。所使爲尸者。於祭者子行也。父北面而事之。

所以明子事父之道也。此父子之倫也。

行音杭。

尸飲五。君

洗玉爵獻卿。尸飲七。以瑤爵獻大夫。尸飲九。以散爵獻

士及羣有司。皆以齒。明尊卑之等也。

疏曰。此據備九獻之禮者而言。凡祭

二獻。裸用鬱鬯。尸祭奠而不飲。朝踐二獻。饋食二獻。及

食畢。主人酌尸。此皆尸飲之。故云尸飲五。於此時以獻

卿。獻卿之後。主婦酌尸。酌尸畢。賓長獻尸。是尸飲七也。

乃以瑤爵獻大夫。是正九獻禮畢。但初二裸不飲。故云

飲七。自此以後。長賓長兄弟更為加爵。尸又飲二。是并

前為飲九。主人乃以散爵獻士及羣有司也。蓋上公九

獻。故以酌尸之一獻為尸飲五。若侯伯七。朝踐饋食

時各一獻。食訖酌尸。尸但飲三也。子男五。食訖酌尸

一。飲。夫祭有昭穆。昭穆者。所以別父子遠近長幼親疏

之序而無亂也。是故有事於太廟。則羣昭羣穆。咸在而

不失其倫。此之謂親疏之殺也。

疏曰。祭太廟。則羣昭羣穆咸在。若餘廟之祭。惟

有當廟尸主及所出之子。古者明君爵有德而祿有功。孫不得羣昭羣穆咸在也。

必賜爵祿於太廟。示不敢專也。故祭之日一獻。君降立

于阼階之南。南鄉。所命北面。史由君右。執策命之。再拜稽

首。受書以歸。而舍奠于其廟。此爵賞之施也。鄉音向。舍音釋。○疏

曰。醑尸之前。皆承奉鬼神。未暇策命。此言一獻則上文尸飲五而君獻卿之時也。若天子命羣臣。則不因當祭

之日。特假于廟釋奠。若卷冕立于阼。夫人副褱立于東。告以受君之命也。

房。夫人薦豆。執校。執醴。授之執鐙。尸酢夫人。執柄。夫人

受尸執足。夫婦相授受。不相襲處。酢必易爵。明夫婦之

別也。卷音袞。鐙音登。○校。豆中央直者。執醴。執醴齊之

人也。此人兼掌授豆。鐙豆之下跗也。爵形如雀。柄

則尾也。禮處凡爲俎者以骨爲主。骨有貴賤。殷人貴髀。謂因其處。

周人貴肩。凡前貴於後。俎者所以明祭之必有惠也。是故貴者取貴骨。賤者取賤骨。貴者不重。賤者不虛。示均也。惠均則政行。政行則事成。事成則功立。功之所以立者不可不知也。俎者所以明惠之必均也。善爲政者如此。故曰見政事之均焉。髀音婢。重平聲。○殷人質。貴髀賤髀。隱前貴於後。據周言之。俎以骨爲主。凡賜爵。昭爲豆。以肉爲主。骨陽肉陰。俎數奇而豆數偶。一。穆爲一。昭與昭齒。穆與穆齒。凡羣有司皆以齒。此之謂長幼有序。實。行酒之器也。旅酬時。賜助祭者酒。衆兄弟子孫等。昭穆各爲一色。而各相旅。長者

在前少者在後凡羣有司亦然故長幼有序

夫祭有界煇胞翟闕者惠下之

道也唯有德之君爲能行此明足以見之仁足以與之
界之爲言與也能以其餘界其下者也煇者甲吏之賤
者也胞者肉吏之賤者也翟者樂吏之賤者也闕者守
門之賤者也古者不使刑人守門此四守者吏之至賤
者也尸又至尊以至尊既祭之末而不忘至賤而以其
餘界之是故明君在上則竟內之民無凍餒者矣此之
謂上下之際煇音運胞音庖翟音狄○周制墨者守門此云然者其周以前歟際接也尊者與賤
者恩意相接也○
此以上統言祭禮

禮曰君子抱孫不抱子。此言孫可以爲王父尸。子不可以爲父尸。爲君尸者。大夫士見之。則下之。君知所以爲尸者。則自下之。尸必式。乘必以几。朱子曰。神主之位。東向。尸在神主之北。古人用尸。本與死者一氣。又以生人精神去交感他那精神。是會附著歆享。凡祭皆有尸。宗廟之祭。用同姓之嫡。天子取孫列之爲卿大夫者。諸侯亦然。大夫士以孫之倫爲尸。曰倫。則非已孫也。外神不問同異姓。卜吉而爲之。祭勝國社稷。則士師爲尸。惟祭殤無尸。公羊云。祭天無尸。左氏說。晉祀夏郊。以董伯爲尸。虞傳云。舜入唐郊。以丹朱爲尸。是祭天亦有尸也。抱孫不抱子。指平日言。下二句。乃記者因禮言而推論之。下下車尊尸也。散齊之日。猶或過於道。馮式謂之式。尸必式。句。舊說謂不敢亢禮。義終未安。竊謂此記專主於君大夫之尊尸。故於尸之避君畧之耳。其實尸之遇君。必應先下。或還辟辟拜。尸必式者。泛言尸之在車。不敢自成其爲尊。遇人必

式也。乘必以几，尊也。
几上有幕。○曲禮
○曾子問曰：祭必有尸乎？若厭祭

亦可乎？孔子曰：祭成喪者必有尸。尸必以孫孫幼，則使

人抱之；無孫，則取於同姓可也。祭殤必厭，蓋弗成也。祭

成喪而無尸，是殤之也。
祭初陰厭，尸猶未入，祭終而陽厭。在尸既起之後，故厭祭無尸。

○曾子問：三代之禮，一也。民共由之，或素或青，夏造殷因。

夏立尸而卒祭，殷坐尸。周坐尸，詔侑武方，其禮亦然。其

道一也。周旅酬六尸。曾子曰：周禮其猶醯醢與？
武讀無醢，音渠。○素

白也，青近於黑。素青其所損益者，舉以例其餘，則夏之創造後之因，仍皆可知矣。卽以尸言之，夏之尸，惟飲食乃坐，若不飲食，則立以俟祭訖。殷雖無事亦坐，周亦如之。詔尸以威儀，侑尸以飲食，皆祝官之職，無常人也。祫

祭之時，羣廟之祖皆聚于后稷廟中，后稷尸尊，不與子孫爲酬酢，毀廟之祖又無尸，故惟六尸自爲昭穆，行旅酬之禮，如世俗之醕醑，斂錢共飲酒，必均平也。○禮器。此以上統言祭祀之尸。

凡卜筮曰旬之外曰遠某日，旬之內曰近某日，喪事先遠日，吉事先近日。○外事以剛日，內事以柔日。○曰爲日，假爾泰龜有常，假爾泰筮有常，卜筮不過三，卜筮不相襲，龜爲卜，筮爲筮。卜筮者，先聖王之所以使民信時，日敬鬼神，畏法令也，所以使民決嫌疑，定猶與也，故曰疑而筮之，則弗非也，日而行事，則必踐之。爲日之爲去聲○今月下旬，筮來月上，旬爲旬之外，旬初筮本旬爲旬之內，喪事示不獲已，故先遠日，吉事示不敢慢，故先近日，假，因也。

託也。希者尊之之詞。不過三。三卜不吉則止。襲因也。卜不吉則不筮。筮不吉則不卜。失著也。猶與二獸名進退多疑人之多惑。○卜人定龜史定墨君定體。卜人各以者似之。○曲禮

與其體辨龜所常用。若祭天定用蜃。祭地定用繹也。史以墨畫龜求其吉兆。若則定其體之吉凶。尊者視大卑者視小。○玉藻。○不貳問。問卜筮曰義與志與。義則可問。志則

否。卜筮當致其誠。一問則潰矣。又必自度其所問。為義與志。義者事之宜。志則心之隱謀也。○少儀。○

昔者聖人建陰陽天地之情。立以為易。易抱龜南面。天

子卷冕北面。雖有明知之心。必進斷其志焉。示不敢專

以尊天也。善則稱人。過則稱己。教不伐以尊賢也。易書

龜者人也。○王氏曰。此說卜者之位。與儀禮不合。亦近於張大之詞。○祭義。○孔子曰。三日

齊。一日用之。猶恐不敬。二日伐鼓。何居。齊者不聽樂。恐散其志慮也。今

三日之閒。乃二日擊鼓。其義何所處乎。怪之之辭。○郊特牲。○齊者不樂不弔。○此

以上言卜日

齊戒之義。

凡祭宗廟之禮。牛曰一元大武。元。頭也。武。足迹也。牛肥則迹大。豕曰剛

鬣。豕肥則鬣剛。豚曰腍肥。腍音突。○羊曰柔毛。羊肥則毛柔。雞曰

翰音。雞肥則音長。犬曰羹獻。凡煮肉皆謂之羹。犬肥則可為羹以獻。雉曰疏趾

雉肥則兩足開張。兔曰明視。兔肥則目明。脯曰尹祭。尹。正也。脯欲割之正。棗魚

曰商祭。棗音考。○商度其燥濕之宜。鮮魚曰脰祭。脰音挺。○魚不水餒則挺然而直。水

曰清滌。立酒可漑。漑。灑也。酒曰清酌。古之酒醑。皆有清有糟。未沛為清。既沛者為清。黍曰

薌合

氣香而粘聚。

梁曰薌萐

其音基。○黍最烈其莖葉皆香。

稷曰明粢

稷也。明

足以

稻曰嘉蔬

蔬音疏。○立

韭曰豐本

其本最盛。

鹽曰鹹

鹹

才何切。○

玉曰嘉玉

玉無暇也。

幣曰量幣

中廣狹長短之量。○曲禮

○

君子曰祭祀不祈不麾蚤不樂葆大不善嘉事牲不及

肥大薦不美多品

樂音洛。○祈求也。祭祀不為求福。周禮六祈非禮之常也。麾快也。祭有常

時。不以先時為快。葆猶褻也。器幣之小大長短。自有定制。不以褻大為可樂也。嘉事冠昏之禮。莫告有常儀。不

為善之而更設他祭。牲不及肥大。及猶至也。如郊牛之角。兩栗。宗廟角握。社稷角尺。各有所宜用。不必須並及

肥大也。薦祭之品味有定數。○

天子以犧牛。諸侯以肥

牛。大夫以索牛。士以羊豕。

毛純曰犧。養于滌曰肥。求之曰索。此大夫士天子之臣也。

諸侯大夫用少牢。士用特牲。其喪之祭。則大夫亦得用牛。士亦用羊豕。詳見雜記上大夫之虞云云。○曲禮

○祭天地之牛角。薦栗。宗廟之牛角。握。賓客之牛角。尺

如。薦如栗。饋也。握。長不出四指也。尺。則肥大矣。天子社稷皆太牢。諸侯社稷皆

少牢。大夫士宗廟之祭。有田則祭。無田則薦。庶人春薦

韭。夏薦麥。秋薦黍。冬薦稻。韭以卵。麥以魚。黍以豚。稻以

鴈。祭有常禮。有常時。薦非正祭。但遇時物。卽薦。亦四時各一舉而已。祭以首時。薦以仲月。○王制

○未嘗不食新。嘗者。薦新物於寢廟也。未薦。則孝子庶羞不

踰牲。燕衣不踰祭服。寢不踰廟。不踰牲。如牲是羊。則不

于事神之意。○王制。○夏后氏尚黑。大事斂用昏。戎事乘驪。牲用

立。殷人尚白。大事斂用日中。戎事乘翰。牲用白。周人尚

赤。大事斂用日出。戎事乘駟。牲用騂。牲用騂。

檀弓。此以言祭物。

凡家造。祭器爲先。犧賦爲次。養器爲後。

造音阜。養去聲。家造言大夫

始造家事也。犧賦亦言造者如周官牛人供牛牲之互。

與盆簠之類。互若今屠家懸肉格盆以盛血。祭受肉籠

也。諸侯大夫少牢。此言犧牛也。天子之大夫

祭祀。賦斂邑民供出牲牢。故曰犧賦。曲禮。

○大夫祭

器不假。祭器未成。不造燕器。

假借也。王制。

○無田祿者。不設

祭器。有田祿者。先爲祭服。君子雖貧。不粥祭器。雖寒。不

衣祭服。爲官室。不斬於丘木。

祭服又在祭器之先。丘木所以此宅兆者也。曲禮。

○臨祭不惰。祭服敝則焚之。祭器敝則埋之。龜筮敝則

埋之牲死則埋之

呂氏曰人所用者焚之陽也鬼所用者埋之陰也。曲禮。此以上言祭器

夫鼎有銘銘者自名也。自名以稱揚其先祖之美而

明著之後世者也。爲先祖者莫不有美焉莫不有惡焉

銘之義稱美而不稱惡。此孝子孝孫之心也。唯賢者能

之

自名卽下自成其名

銘者論譔其先祖之有德善功烈勲勞慶

賞聲名列於天下而酌之祭器自成其名焉以祀其先

祖者也。顯揚先祖所以崇孝也。身比焉順也。明示後世

教也

譔錄也酌斟酌其輕重大小也祭器鼎

夫銘者壹

稱而上下皆得焉耳矣。是故君子之觀於銘也既美其

所稱又美其所爲爲之者明足以見之仁足以與之知

足以利之可謂賢矣賢而勿伐可謂恭矣

上謂祖下謂已身見之見

其先祖之善也與之使君與已故衛孔悝之鼎銘曰六

月丁亥公假于大廟公曰叔舅乃祖莊叔左右成公成

公乃命莊叔隨難于漢陽卽宮于宗周奔走無射

悝音恢假

音格難去聲。孔悝衛大夫公衛莊公蒯聵也假至也

至廟而祭而賜之銘蓋德悝之立已也悝本公之甥而

公稱悝爲叔舅其飯周禮異姓之臣稱伯叔舅歟莊叔

悝七世祖孔達也成公奔楚後又爲晉所執歸于京師

達皆從之故此云然然啟右獻公獻公乃命成叔纂乃

左傳無達從成公事啟右獻公獻公乃命成叔纂乃

祖服獻公名衎爲孫林父甯殖所逐啟開右助也言莊

叔餘功能右助獻公使之反國成叔莊叔之孫烝

鉏也。按獻公反國，非成叔之功。乃考文叔，興舊耆欲作率慶士躬恤衛

國，其勤公家，夙夜不解，民咸曰：休哉！公曰：叔舅，予女銘。

若纂乃考服。文叔，孔圉也。慶卿也。古慶卿同音，字亦同。用故慶雲亦言卿雲，言其先世皆以愛君

憂國爲耆欲，圉能纂尙而興起。惺拜稽首曰：對揚以辟之，爲卿士之倡率。如下文云云。

之勤大命，施于烝烝，此衛孔惺之鼎銘也。烝，烝祭，絜尊也。

古之君子，論譔其先祖之美，而明著之後世者也。以比

其身，以重其國家如此。子孫之守宗廟社稷者，其先祖

無美而稱之，是誣也。有善而弗知，不明也。知而弗傳，不

仁也。此三者，君子之所恥也。國有賢臣，故爲國家之重。昔者周公

有勲勞于天下。周公既沒。成王康王追念周公之所以
勲勞者。而欲尊魯。故賜之以重祭。外祭則郊社是也。內
祭則大嘗禘是也。夫大嘗禘。升歌清廟。下而管象。朱干
玉戚以舞。大武八佾以舞。大夏。此天子之樂也。康周公
故以賜魯也。子孫纂之。至于今不廢。所以明周公之德
而又以重其國也。象卽維清之詩。管象以管攝其聲。文王之舞。文舞也。大武武舞也。此以上統言祭之銘。

凡祭有四時。春祭曰禘。夏祭曰禘。秋祭曰嘗。冬祭曰烝。
此三代通禮也。禘。禘陽義也。嘗。烝陰義也。禘者。陽之盛也。嘗者。

陰之盛也故曰莫重於禘嘗

陽道常饒陰道常乏饒故及於夏始爲盛乏故及于

秋已爲盛

古者於禘也發爵賜服順陽義也於嘗也出田邑

發秋政順陰義也故記曰嘗之曰發公室示賞也草艾

則墨未發秋政則民弗敢草也

爵命屬陽國地屬陰發公室出賞物也草艾謂

刈取草也秋時草木可刈之以給爨故可行墨刑之小者

故曰禘嘗之義大矣治國

之本也不可不知也明其義者君也能其事者臣也不

明其義君人不全不能其事爲臣不全夫義者所以濟

志也諸德之發也是故其德盛者其志厚其志厚者其

義章其義章者其祭也敬祭敬則竟內之子孫莫敢不

敬矣。是故君子之祭也，必身親蒞之。有故則使人可也。雖使人也，君不失其義者，君明其義故也。其德薄者，其志輕，疑於其義而求祭，使之必敬也，弗可得已。祭而不敬，何以爲民父母矣。濟志成其所欲爲，發德顯其所當爲。此以上統言時祭之重。

饗禘有樂，而食嘗無樂。陰陽之義也。凡飲養陽氣也。凡食養陰氣也。故春禘而秋嘗。春饗孤子，秋食耆老。其義一也。而食嘗無樂，飲養陽氣也。故有樂食養陰氣也。故無聲。凡聲陽也。禘，依注作禴，食音弱。言義同而或用樂或否也。先儒謂此爲夏殷之禮，但殷人先求諸陽，則秋嘗亦有樂矣。其說難通。惟周制則四時之祭皆有樂。郊特牲。○鼎俎奇而

遷豆偶陰陽之義也。遷豆之實水土之品也不敢用褻

味而貴多品所以交於旦明之義也。奇音基旦讀為神案聘禮自一鼎

主九鼎皆奇數牛一羊二豕三魚四腊五腸胃六膚七鮮魚八鮮腊九也又有陪鼎腊一也臠二也臠三也亦數奇正鼎九鼎別一組組亦九也又少牢陳五鼎羊一豕二膚三魚四腊五其腸胃從羊五鼎五組又所組一非正組也。特牲三鼎牲鼎一魚鼎二腊鼎三亦有三組所組一非正組不在數是皆鼎組奇也有司徹陳六組者尸及侑主人主婦各一組若司馬以一組羞羊肉清司士以一組羞豕肉清此二者蓋肉之組也此云鼎組奇者謂一處并陳又案掌客云上公豆四十侯伯三十二子男二十四禮器云天子之豆二十有六諸公十有六諸侯十二上大夫八下大夫六遷與豆同是遷豆偶也至鄉飲酒所云非正豆土喪禮小斂注一遷又不同于吉故也。遷人饋食之遷棗栗桃乾篠榛實凡五物而乾篠之中有桃諸梅諸為六物實六遷也。郊特

牲○此兩節與凡祭有四時之義相同故附存之以起禮之所尊一節與下篇祭義相聯所謂文理接續血脉貫通也

禮之所尊尊其義也失其義陳其數祝史之事也故其數可陳也其義難知也知其義而敬守之天子之所以治天下也朱子曰此蓋秦火之前典籍具備之時之語因爲王論然非得其數則其義不可得而知矣况今亡逸之餘數之存者不能什一則尤不可以爲祝史之事而忽之也○郊特牲

祭義第三十四

此猶冠義昏義等篇之意

祭不欲數數則煩煩則不敬祭不欲疏疏則怠怠則怠

是故君子合諸天道春禘秋嘗霜露既降君子履之必

有悽愴之心非其寒之謂也春雨露既濡君子履之必

有怵惕之心如將見之樂以迎來哀以送往故禘有樂

而嘗無樂數音切神依疏作禴○此與郊特牲皆言嘗

之那曰顧予烝嘗亦言廟鼓萬舞是殷周致齊於內散

齊於外齊之日思其居處思其笑語思其志意思其所

樂思其所嗜齊三日乃見其所爲齊者散上聲樂五教切○散齊七日

不御不樂祭之日入室儼然必有見乎其位周還出戶

肅然必有聞乎其容聲出戶而聽愀然必有聞乎其嘆

息之聲

後音愛見音現還音旋。○陸稼書曰鄭注云無尸者闔戶若食間則出戶而聽之皇氏謂尸謾

之後陽厭之時。一說似可兼用蓋是故先王之孝也色

有尸無尸皆有出戶而聽之時也

不忘乎曰聲不絕乎耳心志嗜欲不忘乎心致愛則存

致慤則著著存不忘乎心夫安得不敬乎君子生則敬

養死則敬享思終身弗辱也

存著者若親之存親之著也○此一節結上文兩節

之意言祭所

由起之義

君子有終身之喪忌日之謂也忌日不用非不祥也言

夫日志有所至而不敢盡其私也

不用不舉他事○此專言忌日致祭之義

唯聖人爲能饗帝孝子爲能饗親饗者鄉也鄉之然後

能饗焉

鄉去聲。○中心鄉之。乃能使其親見饗。

是故孝子臨尸而不怍。君

牽牲。夫人奠盞。君獻尸。夫人薦豆。卿大夫相君。命婦相

夫人。齊齊乎其敬也。愉愉乎其忠也。勿勿諸其欲其饗

之也。

齊如字。○作慙也。齊齊整肅貌。愉愉和悅貌。勿勿者。雜念盡除之意。

文王之祭也。事

死者如事生。思死者如不欲生。忌曰必哀。稱諱如見親

祀之忠也。如見親之所愛。如欲色然。其文王與。詩云。明

發不寐。有懷二人。文王之詩也。祭之明日。明發不寐。饗

而致之。又從而思之。祭之日。樂與哀半。饗之必樂。已至

必哀。

宗廟之禮。上不諱下。如祭高祖。則不諱曾祖以下。如欲色然。言想像親平生所愛之物。如見親有欲。

之之色也。○此一節言惟孝子能盡養親之義而引文王以實之。

仲尼嘗奉薦而進其親也。慤其行也。趨趨以數。趨音促數音朔

○進進于尸也。親身自執事也。慤專謹貌。趨趨行步迫狹也。數舉足頻也。皆不事威儀之貌。已祭子

贛問曰。子之言祭。濟濟漆漆然。今子之祭。無濟濟漆漆

何也。子曰。濟濟者容也。遠也。漆漆者容也。自反也。容以

遠。若容以自反也。夫何神明之及交。夫何濟濟漆漆之

有乎。反饋樂成。薦其薦俎。序其禮樂。備其百官。君子致

其濟濟漆漆。夫何恍惚之有乎。夫言豈一端而已。夫各

有所當也。濟濟者衆盛之容。遠者言非所以接親親也。漆漆者專致之容。自反者自脩整也。反饋以

下言天子諸侯之祭戶初入于室後出在堂更反入而設饋作樂既成主人薦其饋食之豆與牲體之俎此時序禮樂備百官獻酬往復凡助祭之君子各以威儀相尚而濟濟漆漆皆此之際何能有思念恍惚交神之心乎然則言豈一端各有所主濟濟漆漆乃賓客之客若主人之事親則宜慤而促數也○此一節又引孔子以明祭主於誠慤之義

孝子將祭慮事不可以不豫比時具物不可以不備虛

中以治之

比時及時也虛中情明在躬心無雜念也

宮室既脩牆屋既設百

官既備夫婦齋戒沐浴盛服奉承而進之洞洞乎屬屬

乎如弗勝如將失之其孝敬之心至也與薦其薦俎序

其禮樂備其百官奉承而進之以是論其志意以其慌

惚以與神明交庶或饗之庶或饗之孝子之志也屬屬言無

偽也。上言奉承而進之者主人也。下謂助祭者耳。諭其志意。祝以孝告也。○陸稼書云。沐浴下注疏本有盛服

二字。集說及大全本多無之。宜改正。孝子之祭也。盡其慤而慤焉。盡其信

而信焉。盡其敬而敬焉。盡其禮而不過失焉。進退必敬

如親聽命。則或使之也。盡其禮則不以私意為隆殺進退之間其敬也。如親聽父母之

命。而若有使之者。亦前章著存之意。○疏云。盡慤謂心盡其慤也。而慤謂外亦慤也。其信與敬皆處內。內有其

心。外著于貌也。孝子之祭可知也。其立之也敬。以詘其進之也

敬。以愉其薦之也。敬以欲退而立。如將受命。已徹而退

敬齊之色。不絕於面。孝子之祭也。立而不詘。固也。進而

不愉疏也。薦而不欲不愛也。退立而不如受命教也已。

徹而退無敬齊之色而忘本也。如是而祭失之矣。而忘本之

而衍字。○誠充誠喜貌。進進血限也。薦進熟也。欲婉順貌。齊謂齊莊○孝子將祭祀必有

齊莊之心以慮事。以具服物以脩宮室。以治百事。及祭

之日。顏色必溫。行必恐。如懼不及愛然。如懼不及見其所愛者。其

莫之也。容貌必溫。身必訕。如語焉而未之然。宿者皆出

助祭所宿之賓。其立卑靜以正。如將弗見然。及祭之後。陶陶遂

遂。如將復入然。陶陶遂遂相隨行之貌。思是故慙善不

違身耳。目不違心。思慮不違。祝結諸心形諸色而術省

之孝子之志也。齊側皆反。術當爲述。○慤善精慤純善之行也。述省。謂每事思省也。○此以上皆言孝子致祭敬慎齋莊之義。

宰我曰。吾聞鬼神之名。不知其所謂。子曰。氣也者。神之

盛也。魄也者。鬼之盛也。合鬼與神。教之至也。鬼神之解。中庸章句

或問詳矣。○鄭注云。氣謂嘘吸出入者也。耳目之聰明爲魄。衆生必死死必歸土。此

之謂鬼。骨肉斃于下。陰爲野土。其氣發揚于上。爲昭明

焄蒿悽愴。此百物之精也。神之著也。陰讀爲磨。○朱子曰。昭明謂光景。焄

蒿謂氣象。悽愴使人神思灑淅如淡書云。風蕭然。因物者。又云。昭明是精光。焄蒿是暖氣。悽愴是慘栗者。因物

之精制爲之極。明命鬼神以爲黔首則百衆以畏。萬民

以服言因其精靈制為尊極之稱顯然名之曰鬼聖人

以是為未足也築為宮室設為宗祧以別親疏遠邇教

民反古復始不忘其所由生也衆之服自此故聽且速

也反古謂祭祖二端既立報以二禮建設朝事燔燎膾

藟見以蕭光以報氣也此教衆反始也薦黍稷羞肝肺

首心見閒以俠無加以鬱鬯以報魄也教民相愛上下

用情禮之至也

朝如字見閒鄭合為鬯音問厠之間

踐與饋熟之二禮如早朝行事取脾胃燎于爐炭使馨香之氣上騰雜以蕭煙之光此報氣之禮所以教民反古復始也至饋熟之時則以黍稷為薦而進肝肺首心四者之饌雜以兩甒醴酒與祭初所加鬱鬯之酒皆為

報魄也。教民相愛。上下用情者。饋熟之時。以酬酢爲禮。酒食徧及上下也。君子復古復始。不忘其所由生也。是以致其敬。發其情。竭力從事。以報其親。不敢弗盡也。此以上論鬼神之義。以明祭祀報氣報魄之義。

是故昔者天子爲藉千畝。冕而朱紘。躬秉耒。諸侯爲藉百畝。冕而青紘。躬秉耒。以事天地山川社稷。堯古以爲

醴酪齊盛。於是乎取之。敬之至也。

藉在亦反。字從艸。紘音宏。齊音咨。○藉藉

田先古。先祖朱紘。正陽之色。青紘。少陽之色。

古者天子諸侯。必有養獸之官。

及歲時。齊戒沐浴而躬朝之。犧牷祭牲。必於是。取之。敬之至也。君召牛。納而視之。擇其毛而卜之。吉然後養之。

君皮弁素積朔月月半君巡牲所以致力孝之至也純色

曰犧體完曰牲牛羊豕曰牲周禮牧人掌牧六牲牛馬羊豕犬雞也古者天子諸侯必有

公桑蠶室近川而爲之築宮仞有三尺棘牆而外閉之

及大昕之朝君皮弁素積卜三宮之夫人世婦之吉者

使入蠶于蠶室奉種浴于川桑于公桑風戾以食之音听

欣。大昕之朝季春朔旦也戾歲既單矣世婦卒蠶奉

繭以示于君遂獻繭于夫人夫人曰此所以爲君服與

遂副禕而受之因少年以禮之古之獻繭者其率用此

與單音丹禕音揮。歲單三月盡也。副覆也。婦人首飾所以覆首者。禕禕衣也。禮之禮獻繭之婦及良

日。夫人縹三盆手。遂布于三宮。夫人世婦之吉者。使縹

遂朱綠之。立黃之。以為黼黻文章。服既成。君服以祀先

王先公。敬之至也。縹音騷。○三盆手者。置繭于盆。以手

良日吉日也。○此以上明孝子報親養蠶為祭服祀先之義。

祭之日。君牽牲。穆答君。卿大夫序從。穆。子姓也。答對也。卿大夫佐幣。士奉

芻以次序在牲後。既入廟門。麗于碑。麗。繫也。以牽牲之初。繫于碑之孔。碑在廟之中庭。

卿大夫袒而毛牛尚耳。將殺牲。故袒衣取牛毛薦之以耳。毛為上。耳主聽。欲神之聽之也。

鸞刀以割。取腍臂乃退。燭祭祭腥而退。敬之至也。苦割

圭反。腍音律。臂力彫反。燭音燭。○用鸞刀割割牲體。又取血及腸間脂。血以供薦。而臂以供炙。肝及燕蕭也。乃

豐已登。篇。卷之八。三。月。

前言力精

卷之八

退謂殺牲竟而取卿大夫所刲血毛脾骨薦畢而暫退也。燔謂沈肉于湯。燔祭祭湯中所燔之肉也。祭腥祭生

肉也。燔腥之祭畢則禮終而退矣。此皆敬心之至也。○有虞氏之祭也。尚用氣。血

腥燔祭用氣也。尚謂先薦之貴尚也。祭初以血詔神于室。次朝踐薦腥肉于堂。燔次腥亦薦于

堂。皆未熟。殷人尚聲。臭味未成。滌蕩其聲。樂三闋。然後

出迎牲。聲音之號。所以詔告於天地之間也。號平聲。○牲未殺則

未有臭味。即宣播樂聲三終。然後出迎牲于廟門外。周

欲以樂聲號呼詔告于兩間。庶幾其聞之而來格也。周

人尚臭。灌用鬯臭。鬱合鬯。臭陰達於淵泉。灌以圭璋。用

玉氣也。既灌然後迎牲。致陰氣也。周人尚氣臭而祭必先求諸陰。故牲之未殺。先酌鬯酒灌地。又搗鬱金香草之汁。和合鬯酒。使香氣滂甚。是其臭下達于淵泉矣。灌以圭璋為瓚之柄。用

玉之氣亦是尙臭也。灌後乃迎。蕭合黍稷臭陽達於牆。牲是欲先致氣于陰以求神也。蕭合黍稷臭陽達於牆。

屋。故既奠然後炳蕭合羶薌。凡祭慎諸此。炳如悅切羶。依注爲馨。

取香蒿及牲之脂膏合黍稷而燒之。使其氣旁達於墻屋之間。是後求諸陽也。既奠謂薦熟之時。盞堂上事尸禮畢。延尸於戶內而薦之熟。祝先酌酒奠于鉶羹之南。而尸猶未入。蕭脂黍稷之燒。正此時也。馨香卽黍稷也。既奠以下。是明上文炳蕭之時。非再炳也。此天子諸侯之禮。非大夫士禮也。魂氣歸于天形魄歸于地。故祭求諸陰陽之義也。殷人先求諸陽。周人

先求諸陰。此其所詔祝於室。坐尸於堂。朝事之時。祝取以異也。

燼炭而入告神于室。濯用牲於庭。升首於室。牲之脾骨燎于用。殺也。升

豔之後。尸坐戶西南面。直祭祀于主。直正也。祭以薦孰爲正。正祭之時。祝官以祝辭告於神主。如云

尚氣也。

禮記集說卷之八 祭義第八 早 沒古閣

薦歲事于皇祖

索祭祀于祊

祊音崩。○求索其神靈而

伯某甫是也。

祭之則祝官行祭于祊也

祊有二。一正祭時祭于廟。又求神于廟門

不知神之所

之內。一是明日繹祭祭于廟門之外也。

在於彼乎。於此乎。

室歟。或諸遠人乎。

祭于祊。尚曰求諸

遠者與。遠于人。不在廟也。

祊之為言倥也。

倥音亮。○倥猶索也。一云強也。陳注云。遠

也。所之為言敬也。

所音圻。○尸有所

富也者。福也。

入君

有富以

首也者直也。

首為一體之正。

相饗之也。

相。詔侑也。詔侑

饌

也。嘏長也大也。

尸嘏主人欲使長久廣大。

尸陳也。

尸當訓為主。日陳者誤也。

毛血

告幽全之物也。

血在內。告其幽。毛在外。告其全。

告幽全之物者。貴純之

道也。

純表裏皆善也。

血祭盛氣也。祭肺肝心。貴氣主也。

薦血腥

所以表其氣之盛也。肺、肝、心皆氣之所舍。故云氣主。周祭肺、殷祭肝、夏祭心。祭黍稷加肺祭

齊加明水報陰也。齊才細反。○尸隋音氏祭之時以黍稷兼肺而祭。尸正祭之時陳列五齊

之尊。又加明水之尊。肺于五行屬金。金與明水皆陰。以陰物報陰靈也。取脾膏燔燎升首

報陽也。先以脾膏燔燎于爐。至薦熟則合蕭與黍稷燒之。黍稷陽也。牲首亦陽體。此以陽物報陽靈也。

明水浼齊實新也。浼音稅。○明水陰鑑所取月中之水。浼猶清也。五齊濁沛之使清。及取明

水皆實。凡浼新之也。其謂之明水也。由主人之絜著此新也。絜同潔。○絜著潔誠著見于此水也。周禮五

水也。齊一泛齊。二醴齊。三盎齊。四緹齊。五沈齊。君再拜稽首。肉袒親割。敬之至也。敬之至也。服也。拜服也。稽

首服之甚也。肉袒服之盡也。服者服順于親也。祭稱孝孫孝子。

以其義稱也。

士之祭稱孝孫。孝子是祭義也。

稱曾孫某謂國家也。

諸侯

廟於曾祖以上稱曾孫。

祭祀之相。主人自致其敬。盡其嘉而無與

讓也。

相者不告尸以讓。蓋主人敬尸。尸無庸讓也。

腥肆爛臠祭。豈知神之所

饗也。主人自盡其敬而已矣。

肆讀爲剔。臠而審切。○言祭或進腥體。或薦解剔。或

進湯沐。或薦煮熟。豈知神果何所享乎。主人不過盡其敬心耳。

舉犖角。詔妥尸。古者尸

無事則立。有事而后坐也。尸神象也。祝將命也。

犖角皆得各詔

告安安也。尸始卽席。舉犖角之時。祝告主人拜尸以安

安其坐。古謂夏時也。夏之禮。尸必有飲食之事。然後坐

尸以象神。故曰神象。祝者先以主人之縮酌用茅。明酌

詞告神。後以神之詞。敬主人。故曰將命。縮酌用茅。明酌

也。醴齊濁沛而後可酌。故云縮酌。用茅者。以茅覆藉而

沛之。周禮三酒。一曰事酒。二曰昔酒。三曰清酒。事酒

爲事而新作者其色清明謂之明酌言欲泝醖酒泝於
醖齊則先用此明酌和之然後用茅以泝之醖酒泝於
清汁獻說於醖酒也醖側座切獻注讀爲莎○醖酒益齊
而成益齊差清先和以清酒而後泝之以其差清故不
用茅也汁獻謂摩娑柜鬯及鬱金之汁柜鬯中有煮鬱
又和以益齊摩娑而泝之出其香汁疏曰以事酒泝醖
齊清酒泝益齊今泝柜鬯乃用益齊而不以三酒者五
齊卑故用三酒泝之柜鬯尊故用五齊泝之也猶明清與醖酒於舊澤之酒也
澤依注讀爲醖音亦○舊陳久也醖者和醖醖釀之名
後世謂之醖酒上文所泝三者之酒皆天子諸侯之禮
此時已廢而人不知其法故曉之曰泝醖酒以明酌泝
醖酒泝說於舊祭有所焉祈福祥求永貞如有報焉
時和醖之酒也祭有所焉祈年祈穀之類有報焉福
而報有由辟焉辟讀爲弭○由弭者用此以消弭齊之
之如周所謂弭災兵遠罪疾之類齊之

立也以陰幽思也故君子三日齋必見其所祭者齊而
立衣順鬼神幽黯之意且以致其陰幽之思也
○郊特牲○此以上皆雜舉祭祀而明其義

孔子曰繹之于庫門內祊之于東方朝市之于西方失
之矣繹祭之明日又祭也繹之禮當於廟門外之西堂
祊當在廟門外西室朝時而市當於市內近東今
皆不然故曰失之○郊特牲○移附
于此以申明上文索祭祝於祊之義

暢曰以榑梓以梧枇以桑長三尺或曰五尺畢用桑長

三尺刊其柄與末榑音菊枇音七長去聲下同○暢
榑榑柏也檮鬱榑者以柏木為曰梧

木為杵柏香芳而梧潔白故用之牲體在鑊用枇升之
以入鼎又以枇自鼎載之入俎主人舉肉之時執事者
則以畢助之舉此二器吉祭以棘木為之喪祭則
用桑木畢之柄與末加刊制枇亦必然矣○雜記

太廟之內敬矣。君親牽牲，大夫贊幣而從。

納牲于庭時，當用幣告神。

而後殺牲。

君親制祭，夫人薦盞。

朝事進血，骨時。割制牲肝，洗于鬱鬯，以祭神于室。此時君

不親獻酒。惟夫

君親割牲，夫人薦酒。

及薦熟之時，君又親割牲體，然亦不

獻。故惟夫

卿大夫從君，命婦從夫人，洞洞乎其敬也，屬

屬乎其忠也。勿勿乎其欲其饗之也。納牲詔於庭，血毛

詔於室，羹定詔於堂。三詔皆不同位，蓋道求而未之得

也。定，丁馨切。○羹，肉汁也。定，熟肉也。煮之既熟，將迎尸

入室，乃先以俎盛羹及定而告神于堂。此是薦熟未

食之前也。此三詔者，各有設祭於堂。

薦腥爛之時，為祔設饌在堂。

其位，蓋言求神而未得也。故曰於彼乎於此乎。

禮器○此以上

禮記

卷之八

聖

及古習

記諸侯與夫
人祭享之義

一獻質三獻文五獻察七獻神祭羣小祀一獻其禮質祭社稷五祀三獻故有

文飾祭四望山川五獻則顯盛詳著祭
先公之廟七獻則洋洋乎如見其神
大饗祫祭也言王事者明此

下所陳非諸侯所有之事也三牲魚腊四海九州之美

味也腊獸也少牢禮云腊用麋邊豆之薦四時之和氣也內金示和

也內音納○納侯邦所貢束帛加璧尊德也璧加于束帛之上此

德于玉也龜爲前列先知也先知吉凶金次之見情也人情所同欲丹

漆絲纁竹箭與衆共財也其餘無常貨各以其國之所

有則致遠物也其出也肆夏而送之蓋重禮也禮畢而諸侯出

在無算爵之後樂工歌陔夏之章以送之。蓋重大之禮也。註云。肆當爲陔者。周禮鍾師掌九夏。尸出入奏肆。夏客醉而出。則奏陔。夏。○禮器。○此言天子大饗。諸侯各貢方物助祭之禮之義。

恒豆之菹。水草之和氣也。其醢。陸產之物也。加豆。陸產

也。其醢。水物也。恒豆。每日常進之豆也。周禮醢人所掌。朝事之豆。註謂清朝未食。先進口食也。

菹。酢菜也。水草。昌本菹菹之類。加豆。周禮註謂尸既食

后亞獻尸所加進之豆。但醢人所掌。是天子之禮。此言

諸侯之禮物既不同。此朝事之豆與祭禮饋食薦熟之

豆俱爲恒豆。而加豆則祭未醢尸所用也。水物。若魚醢

皆以豆盛之。魚醢是也。菹醢。蓮豆之薦。水土之品也。不敢用常褻味。

而貴多品。所以交於神明之義也。非食味之道也。先王

之薦可食也而不可者也。卷冕路車可陳也而不可好

也。此章之義。○卷之八。○

也。武壯而不可樂也。宗廟之威而不可安也。宗廟之器

可用也而不可便其利也。所以交於神明者不可同於

所安樂之義也。

不可者謂不可貪不可好。謂不可供玩好。武。萬舞大武也。不可常爲娛樂。不可

安不可寢處不可便其利不可利用以爲便。

酒醴之美。玄酒明水之尚。貴五

味之本也。黼黻文繡之美。疏布之尚。反女功之始也。莞

簟之安而蒲越橐鞞之尚。明之也。大羹不和。貴其質也。

大圭不琢。美其質也。丹漆雕幾之美。素車之乘。尊其樸

也。賁其質而已矣。所以交於神明者不可同於所安藝

之甚也。如是而后宜。

越音活。鞞音甲。大音太。和去聲。幾音祈。○蒲越。大路之席以蒲爲之。

稟祓除去穀之稂。離幾之辭。詳見哀公問篇。

鼎俎奇而遵豆偶。陰陽之義也。

黃目鬱氣之上尊也。黃者中也。目者氣之清明者也。言

酌於中而清明於外也。

黃目。黃髮也。白髮之類。以黃金鑲其外。以爲目。因名焉。用貯鬱

鬯之酒。有芬芳之氣。故云鬱氣中。中央之色也。○郊特牲。○此以上又記所以用祭物不同之義。

禮也者。反本脩古。不忘其初者也。故凶事不詔。朝事以

樂。擗踊哭泣。不待詔告。以其發於本心之自然也。朝廷養老尊賢之事。必作樂以樂之。亦以愜其本心之願

望也。此二者。醴酒之用。玄酒之尚。割刀之用。鸞刀之貴。是反本之事。

莞簞之安。而稟祓之設。

醴酒之美用矣。而列尊在玄酒之下。今世割刀之利。便於用矣。

而宗廟中乃用古之鸞刀。下莞上簞。可謂安矣。而是故設稟祓之禮者。爲郊祀之席。此三者是脩古之事。

先王之制禮也必有主也故可述而多學也有主主於反本脩古

也。但以此二者求之則可以稱述而學之不厭矣。○禮器○此以上論祭有反本脩古之義。

子路曰吾聞諸夫子喪禮與其哀不足而禮有餘也不

若禮不足而哀有餘也祭禮與其敬不足而禮有餘也

不若禮不足而敬有餘也此亦反本之論○禮弓

孔子曰管仲鏤簋而朱紼旅樹而反坫山節而藻梲賢

大夫也而難為上也鏤簋簋有雕鏤之飾也紼免之飾也天子朱諸侯青大夫土緇旅道也

樹屏也立屏當所行之路以蔽內外也反坫反爵之坫也土為之在兩楹間山節刻山於柱頭之斗拱也藻水

草畫藻於梁上之短柱也難為上言脩上也晏平仲祀其先人豚肩不揜豆

賢大夫也。而難爲下也。君子上不僭上。下不偪下。祭用

少牢不合用豚肩。在俎不在豆。此但踰其極小。謂併豚兩肩亦不能擗豆耳。難爲下。言偪下也。○雜記

子路爲季氏宰。季氏祭。逮闇而祭。日不足。繼之以燭。雖

有強力之容。肅敬之心。皆倦怠矣。有司跛倚以臨祭。其

爲不敬大矣。逮及也。闇昧爽以前也。他日祭。子路與室

事交乎戶。堂事交乎階。質明而始行事。晏朝而退。孔子

聞之曰。誰謂由也而不知禮乎。室事謂正祭之時。事戶

內人于戶受之。設于戶前。內外交接。故云交乎戶也。正祭之後。饋尸于堂。謂之堂事。此時在下之人送饌至階

堂上人卽階而受取。是交乎階也。質正也。子路權禮之宜。畧煩文而全恭敬。故孔子善之。○禮器○此以上又

禮官禮部

禮部

禮

部

明祭禮不可
過不及之義